

EIVSDEM *Ogdoades vernacula.*

BELGICA ontwaecht / schoon edel bloeme /
Hoe sit ghy sus truerich tusschen v riuieren?
Hier is GVICCIARDINI / dien ick v noeme

Deur eenen den fraeysten van Phoebus scholieren.

Haest v / stelt v hoest / en wilt v verciere

Met bagghen / en ringhen / peerlen / en malien.

Braechdy waeromme ick salt v bestieren.

Hy wilt met v wech / van hier nae Italien.

En sijt niet beducht / hy sal v lauderen :

En stellen v wie (soo hy meynt) ter eeren.

Hy sal de hant doen / want hy can palleren /

Maer het sal wesen met ons selfs cleeren.

Ghy waert rijck ghenoech / om te moghen verfeeren

By de groote hanffen / maer t'cieren ghebrack // v :

Nou sal hy uwen toon wel soo vermeerren /

Dat elck sal segghen / ghy sijt sonder lack // w.

De eerste cieraet / is / dat ghy sijt Godvuerlich :

Daer na / dat ghy sijt een seer fraey landouwe.

Dat v volck is blyde / constich / en cluchlich /

Verstandich / ghemaniert / ia doek cloeck en bouwe.

Dat ghy rijck en sterck sijt : daer en bouen vrouwe

Van seer schoon' steden / en van t'scoopmans handeles

Under vueghen / als ick v maer eens en schouwe /

My dunckt dat ick de heel' werelt deurwandele.

Dit cieraet hadde ghy / en fraey besondere /

Maer het lach soo vele / als verstoppt in d'eerde.

Ghy toonde te min : en ten was gheen wondere /

Want goet onbekent dat verliest sijn' weerde.

De sake was / dat hem niemant en gheneerde

Om v te eere met lossijcke schuften :

Nu hebby eenen als v herte begheerde /

Die v sal voort doen / en met prijs beghiften.

Es' maect v op de reyse / t'is op t'uertrecken /

Gheluck sy v by ouer landen en stroomen :

Luttel suldy vinden alsulcken vlecken

Als ghy hier sult laten / al waert doek Noomen.

Sy sullen eerst meynen v dinghen sijn droomen /

En hebben te samen zeer groot ghefakle :

Maer nantaels sullen sy hen monden onttoomen /

En segghen / dat ghy sijt t'fwerelts mirakle.

Maer oft v de Pauwe / en den Syber mede

(Van d'ARNE ist noodeloos dat ick verhale)

Elck om sijn schoonheyt eenich werck aendede :

Noemt ghy den Rhijn / de Schelt / Rase / en Wale :

Als sy sullen hooren dat ghy spreect hun tale /

Sy mochten van schaemten wel bitterlijck weenen /

En segghen : nu heeft sy doch altemale

Dat haer ontbrack : en woort swyghen met eenen.

Nu adieu BELGICA / ons' edel' moedere /

Gaet maect v bekent alle de werelt deure.

Elck die v kent / sal maer worden te vroedere /

Stropien selue / al ist werck van leure.

Maer loont uwen werckman van sijnen labeure /

Niet met arbeitsloon / soo de boeren gheuen :

Maer segt hem vy toe / ick spreke daer veure /

Dat hy ter ewicheyt met v sal leuen.

**

3

EIVSDEM